



KOMUNIKADO PA PRENSA

Fecha

24 di febrüari 2016

Kolaboradó di Maneho

Corinne Leysner

Email

corinne.leysner@gobiernu.cw

TENE KUENTA KU KAMBIO DEN SITUASHON DI TRÁFIKO NA JAN NOORDUYNWEG

Willemstad - Pa e siguiente seis luna tin algun ruta alternativo na Jan Noorduynweg pa yega na e edifisionan di e sentro komersial i na Esperamos supermarket. Den e siman di 28 di febrüari 2016 trabounan ta kuminsá di konstrukshon di e rotònde dilanti di 'Cost U Less'. E trabounan ta na enkargo di e kontratista Curaçaose Wegenbouw Maatschappij (CWM) i ta dura te medio yüli 2016. Tambe ta bini algun krusada elevá i separashon físiko. Na último ta asfaltá e kaya tambe.

E rotònde ta forma parti di ekspanshon di e area komersial na Jan Noorduynweg ku a realisá durante di e aña ku a pasa. E proyekto akí ta kai bou di Servisio pa Atministrashon i Maneho di Tereno Públiko (Domeinbeheer), den kolaborashon ku Obranen Públiko (OW) i ku Planifikashon Urbano (ROP). Ku e proyekto akí, Gobièrnu ta tuma su responsabilidad den desaroyo di suficiente parsela komersial pa duna empuhe na empresarionan.

Domeinbeheer, na nòmber di Gobièrnu di Kòrsou, ta pidi komunidad di Kòrsou pa tene kuenta ku adaptashonnan di tráfiko i kambionan ku ta tuma lugá riba Jan Noorduynweg.